

სტუდენტთა
სარეიტინგო სისტემა
გზამკვლევი

სამართლის
ფაკულტეტი

სარჩევი

- პროგრამის აღწერა/მიზანი
- საკვალიფიკაციო პირობები
- პროგრამაში მონაწილეობის პროცედურები
- ქულათა დაგროვების პრინციპი

პროგრამის აღწერა/მიზანი

სტუდენტთა სარეიტინგო სისტემა (შემდგომში „სარეიტინგო სისტემა“) არის პროექტი, რომელიც გულისხმობს სტუდენტების რეიტინგის შედგენას კლასგარეშე აქტივობების მიხედვით როგორც უნივერსიტეტში, ისე მის ფარგლებს გარეთ.

სარეიტინგო სისტემის ძირითადი მიზანია სტუდენტთა რეიტინგის განსაზღვრა წინასწარ დადგენილი კრიტერიუმებისა და მათთვის მინიჭებული კონკრეტული ქულების საშუალებით ხდება.

პროექტის ვადები

სარეიტინგო სისტემაში მოსახვედრად სტუდენტი განაცხადს აკეთებს ყოველი სემესტრის დასაწყისში - რეგისტრაციის დაწყების დღიდან ორი კვირის განმავლობაში. 6 თვის მანძილზე სტუდენტს ეტაპობრივად შემოაქვს მოთხოვნილი დოკუმენტაცია, რის საფუძველზეც გროვდება მისი სარეიტინგო ქულა. ს სტუდენტთა რეიტინგი გამოქვეყნდება ფინალური გამოცდების დასრულებიდან ერთი კვირის ვადაში. ს არეიტინგო ქულების საფუძველზე სტუდენტები მომდევნო სემესტრის (6 თვის) განმავლობაში წახალისდებიან და ისარგებლებენ სხვადასხვა უპირატესობით.

ქულათა დაგროვების პრინციპი

სტუდენტი ქულებს აგროვებს განაცხადის გაკეთების დღიდან (შემოდგომის სემესტრი) მიმდინარე წლის 31 დეკემბრის ჩათვლით. ს სტუდენტის საბოლოო ქულა შედგება ორი ნაწილისგან: აკადემიური მოსწრების წილი **60%**-ია, ხოლო სკალირებული ქულის **40%**.

სკალირებული ქულის დაანგარიშება

სხვადასხვა კრიტერიუმის დაკმაყოფილების შედეგად სტუდენტი აგროვებს სარეიტინგო ქულებს, რომელთა მაქსიმუმი დამოკიდებულია მის მიერ სემესტრის განმავლობაში განხორციელებულ აქტივობებზე. სემესტრის ბოლოს ხდება დაგროვებული ნედლი ქულების სკალირება და 100-ბალიან სისტემაში გადაყვანა. რეიტინგის საბოლოო ქულაში შედის აღნიშნული წესით დათვლილი ქულის 40%. (დანარჩენი 60% კი სტუდენტის აკადემიურ მოსწრებაზე (GPA) მოდის).

სარეიტინგო სისტემის უპირატესობები

- სარეიტინგო ადგილების გათვალისწინებით ფაკულტეტი აწესებს სხვადასხვა საჩუქარსა და წამახალისებელ აქტივობებს.
 - ✚ რეიტინგის სათავეში (პირველ ადგილზე) მყოფი სტუდენტი მომდევნო სემესტრის(5 თვის) განმავლობაში ყოველთვიურად მიიღებს 100-ლარიან სტიპენდიას;
 - ✚ რეიტინგის მეორე და მესამე ადგილზე გასული სტუდენტები მიიღებენ დაფინანსებას შსზუ-ს ტრენინგ ცენტრში. მეორე ადგილი- 75 %,მესამე ადგილი- 50%
რეიტინგის მეოთხე, მეხუთე და ადგილზე გასული სტუდენტები მიიღებენ 50 ლარიან ვაუჩერს სამართლებრივი ლიტერატურის მაღაზია „ბონა კაუზაში“.

სარეიტინგო სისტემაში საკვალიფიკაციო პირობები

სარეიტინგო სისტემაში მოსახვედრად: სტუდენტი

უნდა ირიცხებოდეს სამართლის ფაკულტეტზე (განურჩევლად კურსისა)

- ✓ აკადემიური მოსწრება - სტუდენტის მიერ მიღებული საშუალო ქულა (GPA), უნდა იყოს არანაკლებ 81-ისა, რომელიც სარეიტინგო სისტემის 60% შეადგენს;

კლასგარეშე აქტივობები - უნივერსიტეტის და სხვადასხვა ინსტიტუტის მიერ ორგანიზებულ ღონისძიებებში მონაწილეობა.

- საჯარო ლექციები - დაითვლება საჯარო ლექციებისთვის განკუთვნილი სპეციალური ფორმის მიხედვით, რომელშიც დაფიქსირებულია სამართლის ფაკულტეტის ორგანიზებით ან თანაორგანიზებით განხორციელებულ საჯარო ლექციებზე დასწრების დამადასტურებელი ხელმოწერა;
- ფაკულტეტის ორგანიზებით და/ან თანაორგანიზებით განხორციელებული მოდელირებები/სიმულაციები, ტრენინგები, შეჯიბრებები, მრგვალი მაგიდის ფორმატის დისკუსიები,კანდიდატმა

უნდა წარმოადგინოს მონაწილეობის დამადასტურებელი დოკუმენტი, რომლის საფუძველზეც მას სარეიტინგო ქულა მიენიჭება;

- ფაკულტეტს გარეთ (უნივერსიტეტში და უნივერსიტეტის მიღმა) განხორციელებული მოდელირებები/სიმულაციები, ტრენინგები, შეჯიბრებები, მრგვალი მაგიდის ფორმატის დისკუსიები, კონფერენციები. კანდიდატმა უნდა წარმოადგინოს მონაწილეობის დამადასტურებელი დოკუმენტაცია, რომლის საფუძველზეც მას სარეიტინგო ქულა მიენიჭება.
- სამართლის ფაკულტეტის მიერ ორგანიზებული შეჯიბრი კაზუსის ამოხსნაში (სამართლის დარგების მიხედვით)
- ორგანიზაციული მხარდაჭერა - სტუდენტთა ჩართულობა ფაკულტეტის მიერ ორგანიზებული სხვადასხვა მასშტაბის ღონისძიების დაგეგმვასა და განხორციელებაში. სტუდენტს ქულა მიენიჭება კონკრეტულ ღონისძიებაზე პასუხისმგებელი პირის რეკომენდაციის საფუძველზე;
- განხორციელებული ინიციატივები - სტუდენტს, სტუდენტთა ჯგუფს შეუძლიათ ინიციატივით მიმართონ ფაკულტეტის საბჭოს. ამ უკანასკნელის რეკომენდაციის შემთხვევაში პროექტის ავტორებს დაევალებათ აღნიშნული ინიციატივის განხორციელება შესაბამის ვადებში. კანდიდატი უნდა იყოს პროექტის ავტორი ან თანაავტორი;
- ლექტორების რეკომენდაციები, რომლებიც გათვალისწინებული იქნება საერთო სკალირებული ქულის გამოყვანის დროს. სტუდენტები შეფასდებიან სამართლის საზომ ერთეულ „ლეგებში“ . ლექტორები შეაფასებენ სტუდენტთა სამართლიანობის მაჩვენებელს, რამდენად სამართლიანები არიან და რამდენად ამართლებენ თავიანთ ადგილს აღნიშნულ მიმართულებაზე.
- სამართლის ფაკულტეტის მიერ ორგანიზებულ კონფერენციებში მონაწილეობა აუცილებელია მომხსენებლის რანგში.
- ფაკულტეტის მიერ ორგანიზებულ პროექტ „იბსუპედიაში“ მონაწილეობა მინიმუმ 5 ნაშრომი სემესტრის განმავლობაში.
- წარმოდგენილი დოკუმენტაცია უნდა შეესაბამებოდეს დადგენილ თარიღებს. გთხოვთ, გაითვალისწინოთ, რომ თუ სტუდენტი საბუთებს არ წარმოადგენთ წინასწარ განსაზღვრულ ვადებში, მას კონკრეტულ კრიტერიუმში ქულა არ მიენიჭება. აუცილებელია, რომ ღონისძიებების გამართვის თარიღი ემთხვეოდეს მიმდინარე სემესტრს.
- სტუდენტს სარეიტინგო სისტემაში მონაწილეობა შეუძლია მხოლოდ ერთხელ, მიუხედავად საკონკურსო ადგილისა. (იგულისხმება მხოლოდ ერთი სემესტრი)

პროგრამაში მონაწილეობის პროცედურები

- სემესტრის დასაწყისში ის წერს განცხადებას სტუდენტთა სარეიტინგო სისტემაში მონაწილეობის შესახებ (იხ. დანართი №1);
- სემესტრის განმავლობაში სტუდენტი ეტაპობრივად წარმოადგენს ქულების დასაგროვებლად საჭირო დოკუმენტაციას. ყოველი ახალი დოკუმენტის საფუძველზე მას ემატება შესაბამისი ქულა;
- სემესტრის ბოლოს სტუდენტთა განცხადებებს განიხილავს და საბოლოო გადაწყვეტილებას იღებს ფაკულტეტის საბჭო;
- ფინალური გამოცდების დასრულებიდან ერთი კვირის ვადაში რეიტინგი გასაჯაროვდება, ხოლო შესაბამის სტუდენტებს ეცნობებათ წამახალისებელი ღონისძიებების შესახებ;

